

昌樂縣續志

王金嶽題



殿志 503

125.13

42

第

一册
序
姓氏表
凡例
目錄
總紀
疆域志
山川志
古蹟志
營繕志

140.73

42

126

縣長王金嶽



昌樂縣續志序

邑之有志所以備掌故昭來茲也余蒞昌樂之次
載迭奉

憲令檢送縣志而舊帙散佚存者無多此所以先
有重印之舉復有續修之議也惟以昌樂縣志失
修之久又丁文獻淪亡之餘掇拾舊聞殊感困難
況民國改元政體變更編輯上之新舊繼續繁簡
支配諸問題尤不易處理允協非得學識兼優之

昌樂縣續志

序

一

士相與考辨而斟酌之其何以觀厥成爰商之邑
人成立續修縣志委員會公舉高君壽慈楊君獻
南戴君景周皆博學能文與於斯役並聘趙先生
子遇爲總纂業已召集全縣學者開會辦理嗣奉
省府通令指定公款限期續修想見 政府珍

重掌故之至意而子遇先生旋以疾辭繼聘諸城
王景韓先生來邑總其成凡六閱月而告竣綱舉
目張朗若列眉以供省志之求以備國史之採斯

邑人不朽之光榮而亦余督修之榮幸也抑余尤有說焉此次修志與前不同在經濟有一定之限制在工作有一定之程期不能軼出範圍以手續適如計劃而止其尤要者修志之觀察宜分兩段辛亥以前者爲陳迹備錄之以爲參考之資辛亥以後者爲生面遞詳之以爲進化之步易所謂窮則變變則通通則久也邑人勿狃於已往以新思想求新學問開而化之昌樂雖山縣與文明大邑

爭烈矣志旣成將付印爰序其原委並掇數言以爲邑人勗云

中華民國二十三年十二月署理昌樂縣縣長王

金嶽序



昌樂縣續志序

民國二十三年春昌樂奉 令續修縣志時余亦以供職教育故忝膺協修志既成同役諸公復囑余弁言其上余竊思自到邑以來日以三事自期者久矣一爲廣造師資一爲普及教育一爲續修縣志三者固並重然以時機論之續志其尤要也蓋邑之舊志重修於前清嘉慶十四年迄今已百有數載其間政體之變更制度之沿革物質之改良文化之演進無一不與世道人心國計民生諸問題大有關係儻不廣搜博採詳考備載他日舊帙散佚耆老凋謝軼聞故事無處追尋欲知而不得欲求而不能將何以就既往以正將來述先賢而啓後世余素之所以兢兢於心者蓋以

昌樂縣續志

序

三

此而又不止於也夫邑地雖小亦齊太公初封之地也所有地理人文風俗禮教等自不得不有其偉大之特性發揚於前者先進之義務光大於後者後進之責任凡今人所欲得之於前人者後人亦欲得之於今人而後人之於後人又復如是日月光華前途甚遠教化流傳此任至重舉凡今昔人士之一興一革一言一行其事可稽理可取足光吾族錫吾類者甚願其舊者仍之新者增之闕者補之遺者拾之撰者紀之流之傳之務期於人知我知我知人知此又續志工作所負重大之使命而余與邑人所共勉者也昌樂縣政府第五科科長德縣魏繩濬謹序

中華民國二十三年十二月 日

昌樂縣續志序

昌樂之有縣志創修於有明嘉靖間邑令朱守愚惜年代久遠原本無復存者迨至清康熙嘉慶間復經兩度續修體例於焉大備去今又經百數十年矣其間如士紳閭香亭縣長段煥英兩公嘗有繼往開來續修縣志之議卒以經費無着或變故迭乘終歸泡影致令一縣掌故聽其散佚累世文獻無所徵信此誠邑人之恥所當僥倖以赴者也今春 縣長王公霽光於簿書之暇倡爲修志之舉既從事矣又適奉 省令頒發續修縣志辦法十條凡職員名額人才選任以及經費限期印刷等項莫不明白規定以示限制一鶴以承乏地方財政忝膺監修之職集議之初深恐此次

昌樂縣續志

序

四

纂修邑志事繁任重未可以朞月就乃自奉令而集會而採訪而編輯以至脫稿時僅半載限期未逾而欸不另籌已告厥成功此固由 縣長王公督修之勤而與斯役者罔不遵守 憲令總分纂諸先生之努力工作其功尤有不可沒者昌樂縣政府第三科科長趙一鶴序

中華民國二十三年十二月二十日

昌樂縣續志序

縣必有志例也居今而言修志難修昌樂志尤難何則國體變更記載斯異舊繁新簡斟酌費筆况昌樂舊志斷自清嘉慶三年迄今百數十年喪亂迭經野史淪於榛莽檔案燬於兵燹一旦欲補缺拾遺尅期急就豈易事哉余以學殖荒蕪辱蒙聘委助理斯役惶恐無似幸同事楊君獻南爲余同年友高君壽慈戴君景周亦皆舊識相與研究商榷斟酌於今昔分合之間而加以變通志清代則仍其舊以示結束志民國則從其新以示發揚既不別分一册仍自合爲一編志內編纂獻南景周分任其勞補缺彌隙壽慈厥功亦偉余贊襄其間稍參末議晝夜并力閱四月而工成嗚呼

昌樂縣續志

序

五

由前言之抱殘守缺古壁之圖籍也由後言之革故鼎新興國之官禮也世運之遞衍無窮人事之進化亦因以愈速閱者企踵前途獲見大同之一日則斯編爲不朽矣

民國二十三年十二月諸城王景韓序於昌樂修志委員會

昌樂縣續志序

邑古侯國志即古國史也然志與史截然兩歧今古不同矣故盤古爲首出御世神聖史不詳其里居而惠州志備載其墓史略而志詳者例固然也蓋史筆例不及瑣碎而志則表微闡幽凡一人一事有足資考據備掌故而繫於一邑者則詳書無遺况疆域既分水土異宜雖僻壤下縣其間山川物產政治風俗水旱災異與夫仁人孝子義夫賢媛之芳軌偉烈彙而誌之亦風教之大端也邑前志修於嘉慶戊午迄今百數十年矣縣長王公集士紳酌定體例備文省政府請欸續修文以菲材忝與分纂隨諸君子後樂觀厥成誠盛舉也顧此次之修則有大不易者百餘年來喪亂頻

昌樂縣續志

序

六

仍文獻莫考卽如清咸同間捻匪之變邑人橫被其禍一時男子死義女子死節慘酷已極邑前輩閻瑞庭兆麟曾著有兵燹撫錄閻香亭湘蕙亦有續志稿今皆散佚無考又邑城自民國以來兩經兵燹檔案亦復無存而採訪冊所採訪各條事實半多未詳秩官則從省志補入兵防則無從稽考編輯排纂復成於迫促寧免荒陋之譏然補苴罅漏後賢之責也鄭之辭命創於裨諶而討論修飾潤色數易其人而後成今之續志即作草創觀可也後之繼者詳徵博覈訂譌去穢於以討論修飾而潤色之與前志合爲一書以繼往開來成不朽盛業是又文之所厚望也夫

民國二十三年十二月邑人戴師文謹序

昌樂縣續志序

邑志失修距前志百又三十五年矣今歲縣長王公招集邑人士開會議修縣志祺以衰老忝與斯役竊維學淺才疏不能捉筆僅撰錄總紀一卷山川一卷餘則楊君獻南戴君景周協同編纂東武王君景韓總其大成自本年七月開始工作及十二月而工竣以不朽之盛業迫以期限而怱怱急就實賴諸君子之努力備員如祺亦得以竊附末光慚愧茲甚焉今將付石爰誌數言以序其起訖云爾

民國二十三年邑人高晉祺謹識

續修縣志姓氏

督修

昌樂縣長 恩縣王金嶽

協修

昌樂縣政府第五科科長 德縣魏繩濬

監修

昌樂縣政府第三科科長 邑人趙一鶴

參閱

中國國民黨山東省直屬 昌樂縣區執行委員會常務委員 諸城邵世培

昌樂縣政府秘書 利津程鈺慶

昌樂縣續志

姓氏表

一

昌樂縣政府第一科科長 密雲馬榮麟

昌樂縣政府承審員 平原段廷法

總纂

清舉人 邑人趙文琴

清拔貢 諸城王景韓

分纂

清拔貢 邑人楊貴琛

清廩生 邑人戴師文

採訪主任兼分纂

清附貢 邑人高晉祺

採訪

昌樂縣公安局長 長沙彭湖

昌樂縣民團隊副隊長 西平許永茂

昌樂縣政府第二科科长 桐城何嗣紳

昌樂縣政府第四科科长 邑人田光燦

昌樂縣管獄員 柘城史廉清

第一區長 臨朐馮志安

第二區長 濰縣張錫祿

第三區長 安邱趙恩生

第四區長 昌邑劉作銘

昌樂縣續志



姓氏表

二

第五區長 壽光李書言

第六區長 壽光隋春霖

第七區長 昌邑張本熙

第八區長 臨朐劉秉信

山東優級師範選科畢業 邑人趙豫章

參謀部陸軍大學畢業 邑人張萬傑

清歲貢 邑人趙鴻泰

縣立臥佛寺小學校長 邑人田治隆

山東優級師範正科畢業 邑人趙炳泰

縣地方財政監察委員會委員 邑人馬瑞峯

商會主席 邑人趙巽豐

保定陸軍軍官學校畢業 邑人閻國華

清庠生 邑人田毓棟

山東省立第四師範本科畢業 邑人田海清

山東省立第一師範二部畢業 邑人劉成章

山東公立農業專門學校畢業 邑人齊淮源

清庠生 邑人楊曰梅

前商會會長 邑人劉煥臣

前講演所所長 邑人閻志和

青州師範學堂畢業 邑人劉雲書

昌樂縣續志 三

姓氏表

清庠生 邑人于溪東

清庠生 邑人鄒澄然

清庠生 邑人趙鍾昌

青州師範學堂畢業 邑人李蘊章

清庠生 邑人李光普

清庠生 邑人王存智

省立第十中學畢業 邑人劉樹楠

昌樂縣教育會會長 邑人劉延祿

前南關廠廠長 邑人劉漢陽

前二南區區長 邑人畢倬漢

清 庠 生 邑人岳雲程

清 庠 生 邑人秦書升

清 歲 貢 邑人王夢九

清 庠 生 邑人夏九經

清 庠 生 邑人劉芳亭

清 恩 貢 邑人李觀海

清 庠 生 邑人李觀風

清 廩 生 邑人馮國光

清 庠 生 邑人李源清

國立青島大學畢業 邑人劉裕坤

昌樂縣續志

姓氏表

四

縣立單級教員養成所畢業 邑人曹菘堂

前 縣 議 會 議 長 邑人王清海

清 庠 生 邑人吳蘭玉

清 庠 生 邑人趙愚軒

山東法律專門學校畢業 邑人呂文燦

前 郵 部 廠 廠 長 邑人王萬鍾

清 庠 生 邑人陳文壇

清 廩 生 邑人孟慶璜

清 武 生 邑人鞠文齡

清 廩 生 邑人唐冠賢

清 庠 生 邑人楊文道

清 庠 生 邑人韓汝諧

初 級 小 學 教 員 邑人高祖倫

鄉 長 邑人王振民

鄉 長 邑人高景武

清 庠 生 邑人高紹廉

清 庠 生 邑人閻象益

清 庠 生 邑人顏秉晉

清 庠 生 邑人陳煥章

清 舉 人 邑人陳祖堦

昌樂縣續志 五

姓氏表

清 拔 貢 邑人王麟兮

初 級 小 學 校 長 邑人滕介岩

前 營 邱 廠 廠 長 邑人張龍田

清 庠 生 邑人劉熙

清 庠 生 邑人宋嶽

縣 立 臥 佛 寺 小 學 教 員 邑人李文榮

縣 立 師 範 講 習 所 畢 業 邑人陳培厚

山 東 公 立 農 業 專 門 學 校 畢 業 邑人劉蕙芳

山 東 省 立 第 一 師 範 二 部 畢 業 邑人田光烈

山 東 省 立 第 四 師 範 後 期 畢 業 邑人徐金誥

清 庠 生 邑人曹書升

清 庠 生 邑人劉煥彩

清 庠 生 邑人張晉升

山東優級師範選科畢業 邑人田際隆

清 庠 生 邑人姚華英

校對

趙豫章

趙鴻泰

繪圖

昌樂縣政府第四科建設工程師 遼寧關寶勤

昌樂縣續志

姓氏表

六

事務員

恩縣師範講習所畢業 恩縣王芳田

續修昌樂縣志凡例

一 此次修志名曰續修直接前志爲之門類仍舊其新增者依次附入以符續修之義

一 總記民國以前則按舊歷書之民國以後則按陽歷書之各從其宜

一 疆域本擬用開方法測繪精詳嗣因期限迫促致有不備之憾閱者諒之

一 星野之說前人所譏今不復登天遠人邇遵古訓也

一 前志有兵防一門惟自清光緒中季武職各缺陸續裁撤而縣署兵房舊卷燬於兵火無從檢查欲以接續前志憂乎其

昌樂縣續志

凡例

一

難茲從闕如以昭覈實

一 典禮前志缺載樂章樂舞茲增補之

一 農諺方言與風俗有牽連之關係茲爲補入以次風俗之後黨務爲民衆代表機關民國前途此其導綫故特增入

一 民社爲地方團體生活經濟關係最爲密切由戶口而市集農會合作社工會商會與夫賑務分會養濟院國術以及地方自治種種均爲研究社會學者重要問題惟平時旣無統計但憑短期調查不無遺漏

一 前志缺金石一門當時吉金貞石乏人考究故缺而不載近今研究金石漸成時尚其陸續發現者亦因之加多茲爲採

訪增補以存古物

一 列女百餘年來苦節懿行無力旌表者湮沒滋多此次修志所送採訪冊或有姓氏而失其事實或有事實而失其姓氏故立傳者半不立傳者亦半爲欲詳不得識者諒之

昌樂縣續志

凡例

一一

昌樂縣續志目錄

卷一

總紀

卷二

疆域志

卷三

山川志

卷四

古蹟志

卷五

昌樂縣續志

目錄

一

營繕志

卷六

建置志

卷七

典禮志

卷八

田賦志

卷九

風俗志

卷十

農諺志

卷十一

方言志

卷十二

物產志

卷十三

黨務志

卷十四

教育志

卷十五

昌樂縣續志

民社志

卷十六

藝文志

卷十七

金石志

卷十八

封建表

卷十九

沿革表

卷二十

目錄

二

秩官表

卷二十一

選舉表

卷二十二

世襲表

卷二十三

議叙表

卷二十四

誥勅表

卷二十五

昌樂縣續志

宦績傳

卷二十六

鄉賢傳

卷二十七

忠義傳

卷二十八

孝友傳

卷二十九

事功傳

卷三十

目錄

三

篤行傳

卷三十一

文學傳

卷三十二

武胄傳

卷三十三

高士傳

卷三十四

一行傳

卷三十五

昌樂縣續志

方技傳

卷三十六

列女傳

卷三十七

僑寓傳



卷三十八

雜稽傳

目錄

四

昌樂縣城平面圖




比例
1 3000

例圖				
房屋	低地	城門	城牆	街道路

壽 光 縣

圖 例



昌 樂 縣
全 境 平 面 圖

北
南

縣

濰



都

臨 朐 縣

安

邱

縣



昌樂縣續志卷一

總紀

縣之有總紀所以備歷史上之參考也故一邑雖小其事之利害得失有種種之關係焉昌樂地當要衝又近膠濟鐵路綫自清嘉慶以訖民國百餘年中事變多矣尤以兵事上經濟上之關係為最鉅茲凡事之屬於本邑或鄰縣牽及者並總錄之而興革災異諸端亦附見焉以續前志俾後之覽者有所參考亦利害得失之一鑑也作總紀

己未 嘉慶四年冬十一月高宗升配禮成大赦

辛酉 六年山東奉命採買米麥備直隸省災區平糶

昌樂縣續志

卷之一

總紀

乙丑 十年邑令徐照重修文昌閣 秋旱蝗害稼

丁卯 十二年春三月大風晝晦 己丑日申時

戊辰 十三年春正月上以來歲五旬慶節詔開恩科鄉會試 邑修

明倫堂

己巳 十四年春正月朔頒萬壽單恩詔 重修縣志刷印成

庚午 十五年春正月風霾晝晦 奉命查禁鴉片

辛未 十六年春京師及河南山東旱 奉詔清理庶獄 夏霖雨為

災 秋禾歉收

壬申 十七年春饑 彗星見西南

癸酉 十八年春大饑 夏彗星見兩月餘乃滅 閏八月改十九年

閏二月以彗星變 直隸河南山東旱截留江西漕米分賑之
申禁私販鴉片定官民服食者罪 秋八月白蓮教匪入山東
犯禁門入大內首犯林清就獲餘孽分擾直魯豫各省邑復戒
嚴

自河南滑縣入山東曹縣定陶金鄉等縣滋事三月始平

邑戒嚴

九月十五日

賊人突

甲戌 十九年以籌備軍需開豫工捐例

乙亥 二十年夏頒御製官箴二十六章 查拿白蓮教餘孽

蠲歷

年逋賦

丙子 二十一年山東巡撫同興調邑汎兵赴臨清州剿防教匪 通

飭州縣整頓保甲 邑令寶倓捐俸倡修王哀墓

昌樂縣續志

卷之一

總紀

一一

丁丑 二十二年邑令汪世杓補修邑城

戊寅 二十三年春正月上以來歲六旬慶節詔開恩科鄉會試

秋八月頒通禮

己卯 二十四年冬十二月大雨

河水汎溢橋梁盡壞

庚辰 二十五年秋八月邑令張懋勳重修城西門關帝廟

辛巳 宣宗道光元年春詔免歷年逋賦 大赦 詔舉恩科鄉會試

廣中額二十名並廣學額 彗星見西方 秋大疫

壬午 二年春頒御題聖協時中額於學宮 三月詔以明臣劉宗周

從祀文廟

赦女囚

以上皇太后徽號之故

癸未 三年春正月詔舉孝廉方正 以湯斌從祀文廟 邑令張懋

勳重修文廟 秋好勛害稼 大饑

西乙 五年春正月詔以明儒黃道周從祀文廟 查禁幫匪

丙 六年春夏旱 秋禾歉收 詔以唐儒陸贄從祀文廟

亥丁 七年春二月詔以明舉人孫奇逢從祀文廟 邑令林士駿重

修龍王廟

子戊 八年冬十一月以平定回疆上太后徽號頒詔覃恩有差

丑己 九年地震有聲如雷 十二月以回疆平御製碑文頒示天下

勒石孔廟

寅庚 十年閏四月地震 邑令呂芬重修城西門關帝廟

卯辛 十一年春正月上以五旬慶節開恩科鄉會試 禁民私種罌

昌樂縣續志

卷之一

總紀

三

粟

辰壬 十二年春行鄉飲酒禮 大疫 運山東倉穀賑江南被水災

民

巳癸 十三年春緩商民逋賦

午甲 十四年冬十月復上太后徽號頒詔覃恩

未乙 十五年春正月以太后六旬萬壽詔開恩科鄉會試 秋飢民

赴奉天就食 冬行鄉飲酒禮

申丙 十六年春饑 二月頒人臣儆心錄暨訓飭州縣條規 各省

奉諭查禁會匪 夏四月雨丹害麥 秋禾歉收 大疫

酉丁 十七年五月地震濰縣人馬綱為亂邑戒嚴旋馬綱伏誅 秋

無禾 冬行鄉飲酒禮

戊戌 十八年春夏無雨 大饑 秋八月上以二十一年六旬萬壽

詔開恩科鄉會試其正科先一年舉行 冬十月始種麥

亥己 十九年春旱 大饑邑令許延齡勸富民出穀賑恤 夏無麥

初麥苗頗茂將成忽隕黑丹楷粒不得 冬十月查禁鴉片菸章程纂入例

丑辛 二十一年春正月大風雪 二十六日自己至申風雪俱厲是日為嫁娶吉辰親迎者多為風雪所阻

或住婦家或於路借宿

寅壬 二十二年秋七月沿海申嚴兵備 廣籌餉例 秋大有年

卯癸 二十三年夏四月彗星見西南東北長竟天 詔以宋臣文天

祥從祀文廟 邑令李正儀重修關帝廟

昌樂縣續志

卷之一

總紀

四

辰甲 二十四年春正月朔上以來歲太后七旬萬壽詔開恩科鄉會

試

巳乙 二十五年春三月諭令查拿白蓮教匪 秋蝗害稼

午丙 二十六年春旱 冬十一月上諭整頓捕務並因旱詔清理庶

獄

未丁 二十七年旱 秋八月山東河南等省奉諭會剿捻匪 邑令

鄒景任重修城門關帝廟

申戊 二十八年夏六月風雨害稼

酉己 二十九年夏六月詔以宋儒謝良佐從祀文廟 冬無雪

戌庚 三十年秋蚘蚘害稼

辛亥 文宗咸豐元年春正月詔舉恩科鄉會試 二月地震 三月
詔以宋臣李綱從祀文廟 夏四月彗星入虛危之次半月始
滅

壬子 二年春二月詔以宋臣韓琦從祀文廟 冬十月初六日地震

癸丑 三年春邑令傅履恆重修營陵書院 詔各邑團練 廣太學

暨乙卯鄉試額 詔以先賢公明儀從祀文廟

甲寅 四年夏五月初九日地震

乙卯 五年秋旱 蝗蝻害稼

丙辰 六年夏大旱 秋飛蝗爲災 菽不實 邑令周寅清重修城

西門

昌樂縣續志

卷之一

總紀

五

丁巳 七年春二月詔以先賢孔氏孟皮配享崇聖祠先賢公孫僑從

祀文廟 夏蝗蝻生 大雨雹禾稼幾盡

戊午 八年邑令左德溥修補城垣暨南關土堡 秋八月彗星現西

北 大疫 十二月詔以宋儒陸秀夫從祀文廟

己未 九年春正月上以來歲三旬慶節詔開恩科鄉會試 三月地

震 五月始雨 秋禾歉收 詔緩田租

庚申 十年夏四月詔以明儒曹瑞從祀文廟 秋九月捻匪大股自

皖入東境

辛酉 十一年春頒省刑諭 御史任兆堅奏山東徵收錢糧折銀奉

諭著清盛按所奏通行 二月二十一日捻匪入邑境

十一年
太平天

國命張總愚率軍五旗十餘萬由濟寧而北二月入博山青石
關焚周村暨金領鎮二十一日入邑境東北鄉戴家莊練總戴
文光牟家莊練總牟爾恭各率練勇迎戰卒因眾寡懸殊文光
及其弟中孚子鳳翔侄鴻達俱死之牟爾恭亦陣亡一時練勇
同遇難者共百餘人而戴氏之族所遭尤慘次日匪軍南去

壬戌 穆宗同治元年上奉兩宮太后聽政春正大赦 詔開恩科鄉

會試 僧格林沁籌辦山東畝捐 夏無麥 秋七月彗星見

西北長竟天 八月上以星變詔求直言 六月蝗 八月大

疫 九月淄川劉德沛據城邑戒嚴

癸亥 二年春三月詔以先儒毛亨明呂柟從祀文廟 夏五月以明

臣方孝儒從祀文廟 六月僧格林沁攻克淄川縣城劉德沛

伏誅邑解嚴

昌樂縣續志

卷之一

總紀

六

甲子 三年春二月巡撫閻敬銘奏請停止山東畝捐 六月以克復

金陵祭告嶽瀆先師孔子 秋蝗害稼 罷團練局

乙丑 四年春正月太白星晝見 三月捻匪由豫入東境僧格林沁

統軍躡追 夏四月僧格林沁追擊捻匪至曹州天昏黑遇伏

陣亡

丙寅 五年夏麥不實 秋旱 冬無雪 地震

丁卯 六年夏五月重刊御纂欽定經史頒發各學 是月捻匪賴文

洸任化邦由豫竄東境遂至登萊青 歲大有 秋七月任賴

由平度竄入邑境城守極嚴各鄉亦堅壁清野 初太平天國天

軍由漢中星夜馳援至中途天京陷乃與任化邦軍合略山東
號南捻賴廣東嘉應州人賴后之族弟也山東巡撫閻敬銘河

防嚴警勢不得渡會閻予告回籍繼任丁寶楨為節費故多撤
防兵總兵王心安統兵駐河上是年五月為賴任擊破渡河而
東行頗急大隊自邑境過凡三日直渡瀟水福建總督劉銘傳
等統兵追剿過邑境紀律嚴明秋毫無犯巡撫丁寶楨等統兵
駐萊河西岸東岸築起長圍自黃海以至渤海二十二日營邱馬
賴任自昌邑濱海瓦城偷越回竄勢甚猛二日營邱馬
宋朱翰一帶總兵王心安戰敗諸師莫及救賴任復西南竄會黃
河水漲又返旆東來冬十月十四日自西北經邑境東南行黃
馬絡繹賴任每行乘八擡黃轎扈從甚盛十一日大敗尸橫數
傳大破之追擊至壽光境禹王臺戰二晝夜賴任大敗尸橫數
十里降者二千餘人二十三日又敗於瀰河三十日敗兵經馬
宋鄆鄆朱翰阿陀一帶急過無少停十二月初一日劉銘傳令
殺降者凡兵所宿村堡尸橫載道殺統兵南追任道中為問
謀刺死其兵潰敗畧盡文洸哭而葬之急收集潰餘數千人自
六唐趨揚州大雨水漲阻不得渡遂被執伏法

戊辰 七年秋七月詔以宋儒袁燮從祀文廟 八月以捻亂平免山

東等省被擾州縣逋賦

昌樂縣續志

卷之一

總紀

七

己巳 八年秋七月各省奉諭籌辦長平倉穀

壬申 十一年春邑令黃咸寶重修城東南角奎星樓暨先農壇縣署

冬十二月詔以先儒張履祥從祀文廟

癸酉 十二年夏重修營陵書院

甲戌 十三年夏五月彗星見 冬十一月詔以先儒陸世儀從祀文

廟 十二月頒登極詔兩宮太后訓政

乙亥 德宗光緒元年春正月詔舉孝廉方正 邑廩生曹鶴梅與選 開恩科鄉會

試 詔以漢儒許慎從祀文廟 秋七月十七日大風磨穀 三晝

夜不息穀粒殆盡 大旱 菽不實 邑令尚芝蘭重修東南閣關帝廟

丙子 二年春旱 夏無麥 大饑 賑 城鄉各設賑飢分局 閏五月十八日大

雨始種穀

每畝僅收數斗

秋七月詔以本朝張伯行從祀文廟

丁丑三年春饑道殣相望 邑令李毓珍勸富民出粟賑飢 詔以

漢儒劉德宋儒輔廣從祀文廟

戊寅四年大旱 饑 嚴禁燒鍋以裕民食

己卯五年大雨雹 冬復常平倉 令民積穀備荒 令民各出穀有差附城者貯縣

倉遠鄉則存各廠令團長董之

庚辰六年山東設電線至邑境 秋九月二十一日大風晝晦

辛巳七年五月甲子彗星見東北 秋七月大水 十四日大雨如注日夜不止瀕河村

落漂沒無算灘水下流被害尤酷

壬午八年四月朔日食 秋七月彗星見東南

昌樂縣續志

卷之一

總紀

八

甲申十年夏四月隕霜 冬無雪

乙酉十一年春旱 邑令李毓珍重修文廟

丙戌十二年春三月隕霜殺麥數日即甦

丁亥十三年冬十二月二十六日大風雪 行人多凍死

戊子十四年夏五月初四日地震 各處修寨 秋大雨 自六月十三

三晝夜無少息河水漲溢為害 八月大疫 邑令何粹然重修城西門

己丑十五年秋七月霖雨 河水漲溢漂沒民舍牲畜甚多

庚寅十六年春二月隕霜殺麥不為災

辛卯十七年春三月凍麥 十五日大冷麥凍枯越十餘日復秀如初

壬辰十八年夏五月蝗飛過境 詔以宋儒游酢從祀文廟 秋蝗

蝻為災

癸巳 十九年春正月上以來歲太后六旬慶節詔開恩科鄉會試

甲午 二十年邑令程豐厚重修營陵書院 日軍侵朝鮮山東沿海

州縣告警 冬文登榮城威海衛寧海均失守東省戒嚴 邑

令程豐厚籌集營陵書院底款制錢壹萬肆千緡每年一月課份生息

作生童膏火

乙未 二十一年春二月詔以宋儒呂大臨從祀文廟 大軍過邑境

日本兵陷威海衛巡撫李秉衡自煙臺退守萊州邑戒嚴 三月日本就約東省解嚴 六月

大水連日大風雨蝗害稼 邑令程豐厚修東南角城牆

丙申 二十二年在荆山窪開採煤礦

昌樂縣續志

卷之一

總紀

九

丁酉 二十三年秋九月德艦入膠州灣遂襲奪青島據之

戊戌 二十四年詔革制藝以經義策論試士未幾復行頒昭信股票

仿外洋募債法以昭信股票息借民財 中德媾和立膠澳租約許德人修膠濟鐵路暨開採鐵路附近礦產

己亥 二十五年春正月上以來歲三旬慶節詔開恩科鄉會試 六

月好妨害稼 邑令程豐厚重修龍王廟

庚子 二十六年夏五月拳匪肇亂有義和拳者以吞符念咒保清滅洋相宣傳各地讐教之案紛然而

起清廷誤信其說召之入京遂致八國聯軍之禍 邑令梁錫祜禁止人民習義和拳以

東撫袁世凱令斥為邪教嚴行禁止故本邑未發生教案

辛丑 二十七年春大旱 秋七月拳匪肅清與聯軍議和成許賠款四萬五千萬兩

壬寅 二十八年春正月奉諭補行庚子辛丑恩正併科鄉試來年會試

停武科 膠濟鐵路修至邑境 六月設郵政代辦處 秋七

月大疫 邑令朱照重修龍王廟及北城牆

癸卯 二十九年秋蝗蚘妨害稼晚者一粒不得 省鑄銅元行使各州縣

甲辰 三十年春正月雷十二日夜初雷電交作 改營陵書院為昌樂縣高等

小學堂 改郵政代辦處為郵局 德人在高鎮探採煤鑛

邑令朱照修西門南城牆

乙巳 三十一年停科舉及歲科試 設師範傳習所

丙午 三十二年部頒禁煙章程 邑令劉顯綱重修文廟 初設巡

警局 設師範研究所

丁未 三十三年至聖先師孔子升大祀 秋彗星見東北

昌樂縣續志

卷之一

總紀

一〇

戊申 三十四年春旱麥歉收 秋九月詔以顧炎武王夫之黃宗羲

從祀文廟 山東設諮議局 邑人劉漢東當選

己酉 宣統元年大風損麥 秋蚘蚘害稼 八月考取優貢拔貢

詔舉孝廉方正 初設自治籌備公所

庚戌 二年三月彗星見東北 辦自治講習所 秋城區議事會董

事會成立

辛亥 三年元旦大雨自去歲除夕雨終夜不止 秋八月革命軍起義武昌

縣議事會參事會成立 冬十月山東宣布獨立

中華民國元年一月一日孫中山先生就臨時大總統職於南京

宣布臨時約法改用陽歷 三月南北議和成孫中山先生辭

臨時大總統職袁世凱就大總統任於北京宣布共和 成立

臨時省議會

前諮議局無形取消至是由各縣旅濟同鄉會公推議員成立臨時省議會

設立單級

教員養成分所 八月成立正式省議會 十月改選縣議會

縣知事黃盞捐俸倡辦農務試驗場

二年田賦改征銀元 設立模範初等小學校 就臥佛寺舊址

立實業學校

設便民工廠

立森林會

令民凡縣境所有荒山隙地徧立森林由

各廠集股每廠出制錢五百緡買樹秧栽植各廠名曰民有森林日後樹大變錢先除股東基金其餘紅利與農會均分

十一月奉令核驗民間田宅文契

三年令解散省議會及縣議會 修西門月城及城北門 設縣

立師範講習所 八月二十五日日本以對德宣戰通告二十

昌樂縣續志

卷之一

總紀

一一

六日山東籌備中立 九月日軍由龍口登岸假道攻青島德

軍人敗日人入據青島由膠濟鐵路進軍至邑境 十月六日

日軍進至濟南佔據膠濟鐵路全綫

四年五月成立城區商會 頒關岳合祀典禮 令以關岳合祀通行各縣 改

視學所為勸學所 設菸酒公賣分棧

時袁世凱籌備帝制令各省設公賣局各縣設

公賣分棧以資籌款

五年袁世凱改元洪憲

至三月二十三日取消

四月革命軍由濰縣進佔昌

樂 七月蚜蟲害稼 革命軍與民團在喬官邊下一帶發生

激戰 九月革命軍退 恢復省議會

六年春大饑 上忙緩征 設立通俗講演所 設第二屆省議

會議員選舉籌備處

七年春瘟疫盛行 設地方財政管理處 選舉第二屆省議會

議員 本縣王永 昌當選

八年一月令以顏元李堪從祀文廟 七月瘟疫盛行縣內設防

疫隔離所 蟲食豆苗 葉盡 復生

九年設勸業所

十年五月縣知事段瑞蘭重修縣公署 秋瘟 死孕婦 極多 十二月

設電報局

十一年八月縣內成立游擊隊 十一月日本交還青島及膠濟鐵路

昌樂縣續志

卷之一

總紀

一一一

十二年改勸學所為教育局 設地方自治籌備處 十二月奉

令辦理清鄉

十三年清鄉告竣

十四年改勸業所為實業局 省公署發行定期有息金庫券

設長途電話 稱濟青長途電話 歸交通部直轄 發行軍事善後特捐 每地丁 一兩征

洋二元 二角

十五年奉省令征收田賦於正稅附稅附捐外加征討赤特捐 每銀

一兩征洋 四元二角 堵口附捐 每兩洋四角 軍事善後臨時特捐 每兩征 洋一元

設戒菸公所 其實開燈公 賣藉以斂財 設淄青道尹

十六年一月省公署發行公債票 昌樂領到二十萬元分攤各廠 限期十年還清未幾張宗昌去

悉成 廢紙 三月縣知事曹宗翰奉令率警備隊民團赴北展剿匪由

胸竄來股匪五百餘人白道尹調壽光昌樂臨朐安邱沂水五縣警隊會剿在程家莊將匪擊潰擒斬甚多

設平

糶分處

於北展設平糶分所購領紅梁三千五百包照原價糶

於飢民張宗昌督魯三載惠民之政惟此而已

於城南五里橋築壩穿渠引小丹河

水入城壕

共費款一萬餘元旋因雨壩圯水仍故道

五月孫傳芳部隊北退過境

孫任江浙閩贛皖五省總司令國

六月張宗昌召集各縣鄉

老會議問民疾苦本縣舉六人赴會

九月雨雹為災

西北至臨朐東

南至安邱長八十餘里禾稼菜果淨盡如掃雹積尺餘三日始消

十七年春縣知事王景崇以平糶餘糧賑恤被雹災區 四月國

民革命軍克復南京成立國民政府 五月二日劉志陸潰軍

昌樂縣續志

卷之一

總紀

一三三

過境迫提地方公款一萬二千五百元 國民軍克復濟南張

宗昌北遁日軍乘機攻陷濟南佔據膠濟鐵路昌樂車站亦駐

有日兵 五月二十日匪軍入城

時有自稱第一梯團之匪軍入城設立司令部強迫地

方供應及提支公款

八月匪軍南竄

至倫家埠被莊民團截擊匪棄所掠汽車兩輛大車十三輛繞道

遁去次日日民團復追擊至安邱境而還

九月縣長盧鐵公率警察隊及南鄉民

團赴鄆部剿匪

追至安邱石家河莊為匪邀擊警隊傷二人縣長回城留警隊駐守鄆部

土匪陷

城

先是有匪首為盧縣長逮捕下獄其黨詐稱解差入城後劫獄搶庫並擊斃警察隊長盧同策盧縣長亦被其幽禁自是

匪類呼聚布滿城市凡各機關學校各廟宇以及寬宏民舍無不住有匪徒計前後提支公款截留田賦勒索民財搜括槍

枝公私損失不下三百餘萬元

是年裁淄青道尹改縣公署為縣政府

十八年一月張宗昌褚玉璞等擾亂福山牟平一帶本城匪首受

其委任遂拔隊東去

城內只餘殘部繼續籌款

三月劉桂堂匪軍過境

劉始

佔莒州沂水一帶中央命楊虎城討之劉始北竄至境分駐喬官辛旺北岩邊下等鎮聲言攻城時城內新由益都開來趙文

斌部恐眾寡不敵又招來寶璋部與劉匪發生激戰劉匪敗遂西竄

設立民團局

匪亂以後武力全失

遂由邑人閻撫塵馬瑞峯等倡議與辦民團以資保衛并公舉邑人趙麟勳為團總未幾成效大著至十九年奉令各縣設民

團大隊部即由原有民團改編

劃全縣為十二區由黨政機關派員監選區

長

曰清惠區曰西堯區曰二南區曰朱都區曰辛邊區曰北岩區曰喬官區曰張鄒區曰北展區曰輪馬區曰營邱區曰阿

陀 八月警備第二旅二團一營營長趙文斌調赴濟南訓練

原屬寶璋來縣後彈壓地面頗能盡力改稱人民自衛團經邑人公請省府改編

十二月成立賑

務分會

基金三千元專辦零星貸款以便小木營生

改實業局為建設局

十九年七月晉軍犯魯取濟南東過邑境旋敗退 縣長李樹德

昌樂縣續志

卷之一

總紀

一四

修理城垣及縣政府

九月設民團大隊部

縣長兼大隊長另設大隊副

設册報檢查員辦理縣政府册報事項

改通俗講演所為民

衆教育館

設平民工廠

建設廳委派電話專員到縣架設

縣有長途電話

二十年改劃全境為八區設立區公所規定區公所經費

舊區名取消以

第幾數字代之

七月設電話事務所

專管縣有長途電話

設度量衡檢定分

所 成立酒業公會

九月陸軍第七十四師二百二十一旅

因剿匪過境

二十一年一月奉令各縣聯莊會會員實施軍事訓練

十五日一期因由各

區辦理成效未著

建築丹河濰河各橋

五月設鄉鎮長訓練

公所 每月一期全縣鄉鎮長分兩期訓練 六月設國術分館 十月駐濰縣陸

軍第八十一師開拔向昌樂徵大車二十二輛送濰備用 十

一月駐濰縣陸軍第七十四師第四百四十四團因剿匪到縣

駐紮三日

二十二年一月奉令財政局改為縣政府第三科建設局改為縣

政府第四科教育局改為縣政府第五科各科科長即由原任

各局長接充 四月縣法院裁撤改設承審處 修築第六區

馬宋橋及第七區張次橋 縣長王金嶽率民團同山東第一

路民團指揮趙明遠赴鄆鄆擊巨匪楊子明斃之 七月成立

進德分會 會址設縣政府先後入會者二百餘人 八月奉省政府令凡本省公

昌樂縣續志

卷之一

總紀

一五

務員月薪在五元以上者自八月一日起扣薪二成作為賑

款救濟魯西被水災民 成立倉儲籌備委員會 奉令本縣應儲穀二千石

本年已購起一千二百石 十月縣政府安設無線電收音機 十一月奉

令各縣區長須迴避本籍 修城東門

二十三年二月成立續修縣志委員會 邑志失修已久經王縣長招集會議聘任採訪編纂

各員組成 四月劉桂堂殘匪竄入縣境次日復潰竄南去 劉匪

之北竄也尚餘七八百人自安邱陽旭鎮北入縣境經少懷莊董孟莊韓家河子莊一帶倉惶北走省軍由後追擊并有飛機

五六架擲彈轟炸劉夜住城角頭辛牟等莊黎明至大河車

擊獲潰匪三十八名訊明正法劉由鄆部進東竄至安邱境大

城正法餘匪 修築城東十里堡橋城東北石橋城南老壩河 以次肅清

橋 重修文廟東西兩廡 八月舉行祀孔典禮 十月成立
進德分會

昌樂縣續志

卷之一

總紀

一六

